



# NUKISSIORFIIT

## **NUKISSIORFIIT**

### **IMERMIK**

**tamanik pilersuinermini nalinginnaasumik  
piumasaqaataat**

**Nr. 3, 1. februaari 2023-mit atuutilersut**

## Aallaqqaasiut

Nukissiorfiit imermik tamanik pilersuinerminnut nalinginnaasumik piumasaqaataat inatsisitigut tunngavissaasutut uppersaasarsuutaavoq pingaaruteqartoq Nukissiorfiit aamma

- illunik aamma inissianik nammeneq pigisanik piginnittut (piginnittoq), imermik pilersuinermut attavilerneqarsimasut,
- imermik pilersuinermik atuisut (atuisoq),
- ruujorilerisut (VVS-mesterit) suliarinnittartut aamma
- El-installatørit suliarinnittartut

akornanni.

Oqaasertaani ataatsimoortumik taaguut atuisoq atorneqarpoq piginnittumut aamma atuisuusumut, tamanna tulluartutut isiginneqaraangat. Atuisoq tassaavoq inuk nammeneq imaluunniit inuk inatsisitigut pisinnaatitaasoq aamma pisussaataitaasoq, tassaasoq Nukissiorfinni nalunaarneqarsimasoq akiliisarnermut uuttuummik ataatsimik imaluunniit arlalinnik atuisungorsimasutut.

Piginnittup, atuisup aamma VVS-mesterit Nukissiorfiit pilersuinerminni nalinginnaasumik piumasaqaataanni allassimasut, sammisani imminnut attuumassuteqartut ilisimasariaqarpaat.

Nukissiorfiit aamma atuisup akornanni isumaqatigiissuteqarnermut tunngaviusut illaatigut Nukissiorfiit innaallagissamik, imermik aamma kiassanermik tamanik pilersuinerminnut nioqquteqarnermut piumasaqaataatigut ilaatigullu Nukissiorfiit imermik tamanik pilersuinerminnut nalinginnaasumik piumasaqaataatigut aalajangersarneqarput.

Piginnittut, atuisut aamma VVS-mesterit aammattaaq Nukissiorfiit inatsisit, peqqussutit, nalunaarutit kiisalu innersuussutit il. il. qaqugukkulluunniit atuuttut eqqortissallugit pisussaapput. Taakkuninnga ingammik immikkut erseqqissaatigineqassapput makku:

- Nunaqarfiit innaallagissamik imermillu pilersorneqarnerisa Namminersornerullutik Oqartussanit tiguneqarnerat pillugu Inatsisartut inatsisissaat nr. 13, 6. november 1997-imeersoq
- Namminersornerullutik Oqartussat aamma Kalaallit Nunaanni kommunit kattuffiata Namminersornerullutik Oqartussat/Nukissiorfiit nunaqarfiit innaallagissamik aamma imermik pilersorneqarnerannut akisussaananermik tigusinerannut tunngatillugu isumaqatigiissuteqarnermut tunngavigisaat 1. januar 1998-imeersoq
- Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq
- Imermik pilersuineq pillugu Inatsisartut peqqussutaat nr. 10, 19. november 2007-imeersoq
- Erngup imigassap pitsaassusia aamma imermik pilersuiviit nakkutigineqarnerat pillugit Namminersornerullutik Oqartussat nalunaarutaat nr. 7, 17. marts 2008-imeersoq (aaqqissuunneqarpoq)
- Innaallagissamut, imermut ataatsimoortumillu kiassarnermut il.il. akigititat aalajangersaasarneq pillugu Namminersorlulik Oqartussat nalunaarutaat nr. 22, 22. december 2017-imeersoq

## Imarisai

1. Nassuiaatit
2. Aallaqqaasiutitut aalajangersakkat
3. Imerk pilersuinerup atatiinnarneqarnera
4. Illumut attavilerneqarfiit
5. Erngup aqqutaanik ikkussuineq
6. Akiliisarnermut uuttuutit
7. Imermut tankimik ikkussuineq
8. Maalaaruteqarnissamut periarfissat

Ilanngussa 1 Imermut tankimik ikkussuinermi piumasaqaatit

Ilanngussa 2 Ilaqutariinnut arlaqartunut illuni immikkoortutut naatsorsuussaasuni aamma inissiani immikkut akiliuteqarfiusartuni ungasianit kiasaanerme aamma imermik atuinermi atuinerup uuttorneqartarneranut tungaviusut.

## 1. Nassuiaatit

### Attavilerneqarfiup sumiiffia

1.1  
Sumiiffik tassaasoq Nukissiorfiit imermut aqquataa pingaarnert  
aamma atuisup illuanut attavilerfiata imminnut  
katigutsinneqarfiat.

### Illumut attavilerneqarfik

1.2  
Erngup aqquataa, erngup aqquataanit pingaarnert  
attavilerfiup sumiiffianit illumi erngup atorneqartup  
akilerneqartussap uuttortaavianut ingerlasoq.

Illumut attavilerneqarfimmu ilaapput erngup aqquataani pingaarnert  
mi illup tungaanut aqquataa attavilerfiata ikkuffia [*anboring*] ima-  
luunniit attavilerfiup ikkuffiata atortua [*anboringsarmatur*], illumut  
attavilerneqarfiata ventiilia tassunga ikkusimasinnaavoq tallissut  
[*spindelforlænger*] aamma ventilinut katiteriffik assaassaq matulik  
[*ventilbrønd*], ventili kuuffissaq sullulik [*drænventil*] aamma er-  
ngup aqquataa imermut uuttuivimmu illumit attavilerneqarfimmi  
ventilimeersoq aammattaaq qerisoortitsinaveersaat innaallagia-  
tortoq aamma erngup aqquataanit pingaarnert ingerlaqqiffissa-  
tut ikkussa qerisoortitsinaveersaat innaallagissaq atorneqartussap  
aqquataa katersuuffianut [*eltavle*] ingerlasoq.

### Erngup aqquataa pingaarneq

1.3  
Erngup aqquataa pingaarneq tassaavoq imermut aqquataa, erngup i-  
merneqarfimmi piareerlugu sukuluarneqareersimasup illunut  
attavilerneqarfimmut, imertarfimmut aamma ikuallattoqartillugu  
qatserutinut ventiilinut aqquataa ingerlasoq.

### Imeq nillertoq/kissartog

1.4  
Imeq illumi atorneqartog, imerneqartussatut aamma uffarnermi  
il.il. atorneqartussatut.

### Imermik atuinermu uuttuut

1.5  
Uuttuut imermik nillertumik atorneqartumik nalunaarsuinermu  
atorneqartog.

### Nukissiamu uuttuut

1.6  
Uuttuut erngup kissartog atorneqartog annertussusianik uuttor-  
taataasoq.

### Sanaartornermi uuttuut /utaqqiisaagallartumik imermu uuttuut

1.7  
Imermu uuttuut utaqqiisaagallartumik pilersuinermi ikkussuk-  
kani atorneqartog, tassunga ilanngullugit sanaartorfiit.

## 2. Aallaqqaasiutitut aalajangersakkat

### Ruujorilerineq

2.1

Suliassat ruujorilernermet tunngasut tamarmik illumut attavilerneqarfimmik aamma erngup aqqutaanik ikkussuinerit, suliffeqarfimmit avataaneersumit suliarineqartut VVS-mesterimik suliarineqassapput. VVS-mesterip Nukissiorfiit eqqiluisaarnissamut ilitsersuutaa ilisimassavaat.

### Innaallagialerineq

2.2

Suliassat innaallagialerinermet tunngasut tamarmik qerisoorna-veersaatini innaallagiatortuni suliassat el-installatørimit akuersissummik pigisaqartumit suliarineqassapput.

### Ruujorilerisutut inuus- sutissarsiuteqarnermut allagartaqarneq

2.3

Nukissiorfiit VVS-mesterimut makku piumasaaqatigaat:

- Inuussutissarsiummik ingerlatsisutut allagartaq tassani allassimassalluni "mester" assarsornermi suliaticigut misilitsinnermut atatillugu angusisimasoq suliaticigut sammisamut tulluurtumik attuumassuteqartumut.
- Kalaallit Nunaanni aalajangersimasumik niuernermit ingerlatsiveqarneq telefoneqartumik, assarsornermi sakkooqartumik aamma saffiorfeqartoq.
- VVS-mesteri nammineersinnaajunnaarsitaasimassanngilaq imaluunniit akiliisinnaajunnaartussatut suliffia suliarineqarluni.

### Suliatigut pikkorliorneq

2.4

VVS-mesteri illumut imermik attaviliinermit aamma kiassaaner-  
mut atortunik ikkussuinermit suliaqarnermit annertuumik imaluunniit uteqqiattumik sumiginnaappat, taava Nukissiorfiit VVS-mesteri suliassanik taamaattunik suliaqarnissaanut itigartissinnaavaat.

### Erngup attavilerneqarfi- anik allanngiineq

2.5

Nukissiorfiit pisinnaatitaapput erngup illumut attavilerneqarfiinik nuussinissaminnut aamma attaviit taakkununga tunngasut allanngortissinnaallugit atuisumut aningaasartuutaanngitsumik.

### 3. Imermik pilersuinerup atatiinnarneqarnera

#### Pitsaassuseq

#### 3.1

Imeq imerneqartussaq tappiorannartunik uumassusilinnik aamma akuutissanik ima annertutigisunik imaluunniit kimittussuseqartunik akoqassanngilaq peqqissutsimik ulorianartorsioertitsilersinnaasunik. Imermi imerneqartussami erngup imigassap pitsaassusia pillugu nalunaarummi pitsaassutsimut piumasaqaataasut atuuttut eqqortinneqassapput erngup atuisumut sumiiffimmut tunniunneqarfianut.

Imermik pilersuineq ajutoorluni unitsinneqarpat sapinngisamik piaarnerpaamik Nukissiorfiit pilersuinerup atulereqqinnissaa isumaginiassavaat.

Nukissiorfiit imermik pilersuinerup taamaallaat illumut attaviliinerup sumiiffia tikillugu akisussaassuseqarput. Ajoqutit aamma amigaataasut illumut attavilerneqarfimmiittut aamma ikkussukaniittut attavilerneqarfiup sumiiffiata kingornaniittut Nukissiorfiit akisussaassuseqarfingngilaat. Tankinut imiisivinnut pilersuinermi taamatuttaaq Nukissiorfiit taamaallaat akisussaassuseqarfigaat imermik pilersuinerup pitsaassuseq tankimut imiisivimmuut tunniussinerup sumiiffianiittoq tikillugu.

#### Erngup naqitsinera

#### 3.2

Illut ataasiakkaat eqqaanni pilersuinerup aqqutini naqitsinerup minnerpaaffissaata attatiinnarnissaanut Nukissiorfiit pisussaaffeqanngillat.

#### Erngup natsinera naammaginangitsoq

#### 3.3

Illumi erngup naqitsinera naammaginangippat, tamannalu illumik imaluunniit illup inissisimaneranik patsiseqarpat, Nukissiorfiit piumasarinnaavaat illu erngup aqqutaanik pilersorneqarneranut atatillugu naqitsinermik annertusititsinerup atortumik ikkussisoqarnissaa.

Naqitsernermik annertusititsinerup atortoq illumik piginnittup piumasaqarneranik aamma akiliuteqarneratigut ikkunneqassaaq. Nukissiorfiit piumasarinnaavaat atortup akuersissutigineqarnissaa.

#### Pilersuinerup aqqutini suliaqarneq

#### 3.4

Pilersuinerup aqqutini imaluunniit imeqarfimmi pilersaarutigineqartumik suliaqartoqassatillugu, taava tamatumaa aallartinginnerani pilersaarutaasumik imermik pilersuinerup unitsittarnissaa pillugu Nukissiorfiit atuisut eqqorneqartussat nalunaarfigissavaat.

#### Pilersuinerup ajutoorneq

#### 3.5

Unitsitsinerit Nukissiorfiit atortuini soorlu assersuutigalugu kukkuneq aamma ajorsiinerup kingunerisaannik pissuteqartut sapinngisamik pilertornerpaamik iluarsinierneqassapput, kisianni Nukissiorfiit pilersuinerup ajortoorneq kingunerisaannut akisussaaffeqanngilaq.

Atuisoq kinaluunniit taarsiiffigineqarnissaminik piumasaqaate-qarnani pilersuinerup ajutoorneranut atatillugu aqqudit aseror-toornerani, mingutsitsinermik, innaallagissap pilersuinerup unit-toorneranik, aqqudit matuneqarnerannik, iluarsaassinermik aamma aqqudit salineqarnerannit imalluunniit nammineq sunniute-qarfigisinnaanngisanit pissuteqartumik pisoqartillugu persaqu-sersuutinut pisunut naammaginnittarniaqarpoq.

**Atuinermik killilersuineq** 3.6

Nukissiorfiit tamatumunnga taarsiissuteqarnissaannut piumasaqaatitaqanngitsumik imermik atuinerup imaluunniit atuinerup ilaanik killilersuinissamut aalajangersaasinnaapput, Nukissiorfiit isumaqarunik imeqarfiup ingerlanneqarnerata imaluunniit imeqarnerata tamanna pisariaqartikkaa.

**Qatserutit ikkuffii**

3.7

Qatserutit ikkuffiinit imermik atuinermut malittarisassaq pingaarneq taasaavoq ikuallattoqarnerani aamma ajutoornerni allani taamaallaat atorneqartarnissaat. Tamatuma saniatigut imeq qatserutit ikkuffiineersoq taamaallaat atorneqarsinnaavoq tamanna sioqqullugu Nukissiorfinit akuersissummik pisimagaanni.

Qatserutit ikkuffii erngup aqquutaani pingaarnermiittut, tassunga ilanngullugit qatserinermut atortunut sikaaviit aamma qatserutit ikkuffiisa nalunaaqutsernerat, Nukissiorfinit ingerlanneqarlutillu aserfallatsaaliorneqarput. Qatserutit ikkuffii allat Nukissiorfinit akisussaaffigineqanngillat.

Qatserutit ikkuffiisa eqqaanni aputaajaaneq aamma sermiiaaneq kommunimit suliarineqartarpoq.

**Aasaanerani imeq**

Nukissiorfiit aasaanerani imeqartitsinermut aqqudinik siaarsinnaavoq sumiiffinni tamanut imermik pilersuinermik ingerlatsivigineqarsimanngitsuni. Taamaattorli Nukissiorfiit tamatumunnga pisussaataaannngillat.

Pilersitsineq, annertussusia aamma isorartussusia kiisalu aasaanerani erngup aqquutaani atorunnaarsitsineq taamaallaat Nukissiorfinit aalajangiiffigineqassaaq. Aasaanerani imermik pilersitsineq Nukissiorfiit sulisuinit pilersinneqassaaq aamma piiarneqassalluni.

Aasaanerani imeqartitsisarnerup aallartinnissaa sioqqullugu, sumiiffiit arlaanni aasaanerani imeqartitsinermik allanngortitsisoqassappat, tamanna Nukissiorfinit ilimasaarutigineqassaaq.

**Imertartarfiit**

3.9

Imertartarfinni kikkunnik tamanik imertarfigineqarsinnaasuni imertarnerni pisariaqanngitsumik imermik maangaannartitsineq aamma imertartarfimmik aamma taassuma eqqaata qanittuani mingutsitsinerit suulluunniit inerteqqutaapput.

Imiisiviit atorlugit imertartoqartassaaq. Slangimik ikkussinissaq inerteqqutaavoq tamatuma kingunerisinnaammagu imertartar-

fimmi erngup imeqartussap mingutsinneqarnera, tamannalu atuisut allat peqqissusiannik navianartorsiortitsisinnaammat. Tamatuma saniatigut slangit imertartarfinnut ikkunneqartut, atuisup slangimik atugaqartup peqqissusianut navianarsinnaavoq. Nukissiorfiit imminnut pisinnaatipput ikkussisoqarsimappat tamakkua piassallugit imaluunniit allanut piiartissallugit piginnit-tumut akiligassanngorlugit.

Imertartarfiit kikkunnik tamanik atorneqarsinnaasut tikinneqar-sinnaanerat qulakkeerniarlugu aputaajaaneq kommunimit isu-magineqartarpoq.



## 4. Erngup illumut attavilerneqarfia

### Erngup illumut attavilerneqarfianissaanut akuerissut

4.1  
Erngup illumut attavilerneqarfia isertinneqarsinnaavoq Nukissiorfiit atortuisa aamma illoqarfiup sanaartorfigineqarnissaanik pilersaarutip tamanna ajornartinngippassuk, soorlu assersuutigalugu imeqarfiup nioqqutissiorsinnaanera eqqarsaatigalugu. Nukissiorfiit sulisuisa innersuussutigissavaat erngup illumut attavilerneqarfia sukku ikkunneqassanersoq. Tamakku saniatigut kommunimit aalajangersakkat innersuussutigineqarput.

### Erngup illumut attavilerneqarfia immikkoortoq

4.2  
Illut tamarmik ataatsimik pigineqanngitsut nalinginnaasumik inoqutigiinnut illumiittunut immikkut ataasiakkaanut imeq attavilerneqartussaavoq. Nalinginnaasumik erngup illumut attavilerneqarfia ataasinnaap illumut ikkunneqarnissaa akuerineqarsinnaavoq. Illumik piginnittup allanngornerani erngup illumut attavilerneqarfianut ataatsimoorunneqartunut aningaasartuutit immikkoortiterneqassapput, taamaaliornikkut erngup attavilerneqarfianik inoqutigiit immikkut tamarmik peqassallutik. Illumit pigineqatigiittut, andelsforeningit il.il. erngup illumut attavilerneqarfianik ataatsimoorussanik piginnittuusinnaapput.

### Erngup illumut attavilerneqarfianut ataatsimoorussanut inatsisinut tunngasut

4.3  
Erngup illumut attavilerneqarfianik ataatsimoorussamik piginnittuunermut atugassarititaasut piginnittut akornanni allaganngukamik isumaqatigiissutigineqarsimassapput. Erngup illumut attavilerneqarfianik ataatsimoorussamik piginnittut qerisoornaveersaammik innaallagiatortumik atuinermut akiligassanut assigiimmik pissussaaffeqarput.

### Piumasaqaatit aningaasanut tunngasut

4.4  
Erngup aqqutaanut pingaarnermut erngup illumut attavilerneqarfianut aningaasartuutit tamaasa, tassunga ilanngullugit erngup illumut attavilerneqarfia teknikkut uppersaasorsorneqarnerata suliarineqarnera, piginnittup akilissavai. Tamatumunnga ilaangillat immikkut pisut, tassani Nukissiorfiit aalajangerpassuk erngup illumut attavilerneqarfianik pilersitsinermut aningaasalersuinissaq, tamanna sukumiinerusumik allaaserineqarpoq Nukissiorfiit innaallagissamik, imermik aamma kiassanermik tamanik pilersuinerminnut nioqquteqarnermut piumasaqaataanni immikkoortoq 1.2.1-imi.

### Qinnuteqaateqarneq

4.5  
Erngup illumut attavilerneqarfianik pilersitsinermut, nuussinermut imaluunniit allanngortitsinermut qinnuteqaat Nukissiorfinnut nassiunneqassaaq aamma suliap aallartinneqannginnerani akuersissutigineqarsimassalluni.

Qinnuteqaat Nukissiorfiit immersugassiaataat atorlugu nassiunneqassaaq, taanna Nukissiorfiit nittartagaanni [www.nukissiorfiit.gl](http://www.nukissiorfiit.gl)-imi pissarsiarineqarsinnaavoq.

**Erngup illumut attavilerneqarfianik suliaqarnermut piumasaqaatit**

4.6

Erngup illumut attavilerneqarfianik suliaqarnerit tamarmik sammisamut tunngatillugu maleruaqqusat tunngavigalugit suliarineqassapput, tamatumunnga Nukissiorfiit innersuussutaat aamma eqqiluisaarnissamut ilitsersuutaat ilanngullugit.

**Erngup illumut attavilerneqarfiata naammassineranik nalunaaruteqar-neq**

4.7

Nukissiorfiit periarfissaqartinneqassapput naqitsinermik misilii-nermi najuunnissaminut, kabelit qerinaveersaatit piumasaqaataasut aamma uiguleriinnerit ikkunneqarneri misissussallugit, erngup illumut attavilerneqarfiata matoorneqannginnerani, kiisalu erngup illumut attavilerneqarfiata naammassineqarnera nalunaarutigineqannginnerani.

**Erngup illumut attavilerneqarfianik aserfallat-saaliuineq**

4.8

Piginnittup akisussaaffigai erngup illumut attavilerneqarfianik aamma atortuinik attuumassuteqartunik, aammattaaq erngup aqputaasa ikkussuakkat isumannaatsumik aserfallatsaalineqar-nissaat kiisalu erngup illumut attavilerneqarfiani suulluunniit a-migaataasup sapinngisamik piaarnerpaamik iluarsineqarnissaa i-sumagissallugu.

**Erngup illumut attavilerneqarfianik aserfallat-saaliuinnginneq**

4.9

Nukissiorfiit erngup illumut attavilerneqarfia isumannaatsumik a-serfallatsaaliorneqanngitsoq imaluunniit illumiit kuuffinnut tunngasut pisutaallutik pilersuiner-mut aqputit imaluunniit erngup pitsaassusia ajoquserneqarnissaat aarlerinartorsiortinneqartut paasigunikku, taava Nukissiorfiit erngup illumut attavilerneqarfia matusinnaavaat piginnittumut akiligassanngorlugu.

Nukissiorfiit tamanna sioqqullugu piginnittup kalerrinneqarnissaa misilissavaat.

**Illu atorneqanngitsoq**

4.10

Nukissiorfiit piginnittumut akiligassanngorlugu illumut atorneqanngitsumut erngup illumut attavilerneqarfia matusinnaavaat Nukissiorfiit pilersuiner-mut atortuisa sinnerinut tamanna aarleri-nartorsiortitsippat.

Nukissiorfiit tamanna sioqqullugu piginnittup kalerrinneqarnissaa misilissavaat.

**Erngup illumut attavilerneqarfiata ventilianik suliaqarneq**

4.11

Erngup illumut attavilerneqarfiata ventilia taamaallaat Nukissiorfinnit imaluunniit VVS-mesterimit Nukissiorfinnit isumaqatigiis-suteqarnikkut passunneqarsinnaavoq.

**Erngup illumut attavilerneqarfianik matusineq**

4.12

Erngup illumut attavilerneqarfia matuneqarpat aamma erngup illumut attavilerneqarfia imaarneqarsinnaanngippat aamma erngup aqputaa pingaarneq imaluunniit erngup pitsaassusia ajoquserneqarsinnaanerat navianartorsiortinneqarlutik, taava Nukissiorfiit pisinnaatitaapput erngup illumut attavilerneqarfianik

kipisinissaminut imaluunniit allatut iliornikkut pilersuineq unitsil-lugu.

Erngup illumut attavilerneqarfianik atuukkunnaarsitsineq aamma pilersitseqqinneq piginnittup akiligaanik suliarineqassapput.

**Erngup illumut attavilerneqarfianik nuussineq**

4.13

Nukissiorfiit namminneq aningaasartuutigalugu erngup illumut attavilerneqarfia nuussinnaavaat. Erngup illumut attavilerneqarfianik piginnittup imaluunniit atuisup tamatumunnga atatillugu ingerlatsinermut aningaasartuutit annertunerulernerat akilissavaa.

**Erngup illumut attavilerneqarfianik pilersitsinissamut piumasaqaatit**

4.14

Erngup illumut attavilerneqarfia "Kalaallit Nunaanni erngup aq-qutaanik ukioq kaajallallugu atorneqartunik pilersaarusiortarnermut innersuussut" naapertorlugu suliarineqartariaqarput. Ilitser-suut taanna Nukissiorfiit nittartagaanni [www.nukissiorfiit.gl](http://www.nukissiorfiit.gl)-imi takuneqarsinnaavoq.

**Pilersitsinissamut piffissarititaasoq**

4.15

Erngup illumut attavilerneqarfii taamaallaat erngup aqutaanut pingaarnernut piffissami 1. maajimiit 1. oktobarip tungaanut ikkunneqarsinnaapput. Pissutsit immikkut ippata allakkatigut qinnuteqaateqareernikkut immikkut akuersissuteqartoqarsinnaavoq.

Erngup illumut attavilerneqarfia titartaganngorlugu aamma erngup illumut attavilerneqarfiata ventiliata sumi inissinnissaa pil-lugit pilersaarusiaq Nukissiorfinnut tunniunneqassapput.

## 5. Erngup aqqutaanik ikkussuineq

### Allangortitsinermi akuerineqarnissamut piumasaqaat

5.1 Nukissiorfinnit akuersissummik pissarsisoqartassaaq erngup aq-qutaanik ikkussukkanik allangortitsilluni suliaqartoqartinnagu i-maluunniit erngup aqqutaannik pioreersunik annertusaanngin-nermi, tamanna imermik atuinermik imaluunniit erngup pitsaas-susianut sunniuteqarpat.

### Akuerineqarnissamut qinnuteqaateqarneq

5.2 Akuerineqarnissamut qinnuteqaateqarneq immersugassaaq a-tuuttoq atorlugu Nukissiorfinnut nassiunneqassaaq nassiunne-qassaaq. Immersugassaaq Nukissiorfiit nittartagaanni [www.nukissiorfiit.gl](http://www.nukissiorfiit.gl)-imi aaneqarsinnaavoq.

### Ikkussorneqartunut piumasaqaatit

5.3 Erngup aqquai ikkussugassat imatut suliarineqassapput, ator-neqassapput aamma aserfallatsaaliorneqassapput ima pisoqar-nissaa pinngitsoortussanngorlugu:

- erngup aqquai pingaarnerni naqitsinerneq ajoqutaasin-naasunik imaluunniit naqitsinerit nikerartut pilertoqarnis-saa,
- imermik mingutsitsisoqarnissaanut aarlerinartoqarnissaa,
- ussiitsunik pilertoqarnissaa.

imaluunniit Nukissiorfiit atortuinik allanik tamatuma kinguneris-aanik ajoquteqartoqalernissaa.

Atortorissaarutit, filterit aamma qorlorfiit il.il. erngup aqquai ikkunneqartartut imermut imerineqartussamut atorineqartussatut akuerineqarsimassapput.

Naak illumi erngup aqquai misissorneqarnerat Nukissiorfiit suliarisimagaluaaraat piginnittoq tassaavoq kisimi akissussaaffe-qartoq, ikkussorneqarsimasut naammaginartumik pitsaasuunis-saannut.

Suliffeqarfiit, inuit imaluunniit suliffiit eqqumaffigissavaat uuma "DS/EN 1717, sikring mod forurening af drikkevand i vandinstal-lationer samt generelle krav til tilbageløbssikring – DS/EN 1717, erngup imerineqartussap mingutsinneqannginnissaanut qulak-keerinninneq aammattaaq erngup uteriartoornissaanut isuman-naajaanissamut nalinginnaasumik piumasaqaatit" eqqortinne-qarnissaat.

### Ikkussorneqarsimasut atorineqanngitsut

5.4 Piginnittoq pisussaavoq erngup aqquai ikkussukkat atorine-qanngitsut milinneqarsimanissaanut aamma imarneqarsima-nissaanut, ilaatigut qerisoorlutik ajoqusernissaat eqqarsaatiga-lugit aamma imermik maangaannartitsisinnaaneq pissutigalugu ajoqusiinnaanerat.

**Erngup aqutaanik  
ikkussorneqarsimasunik  
pilersuiunnaarneq**

5.5  
Nukissiorfiit peqqusisinnaapput illuni atorneqanngitsuniittunik  
erngup aqutaanik ikkussukkanik mileqqusinissaminut.

Nukissiorfiit akiligassaqarnerup kingunerisaanik innaallagialaq i-  
maluunniit imermik pilersuineq matusimappatigit, taava illumik  
piginnittoq tamatuma kingunitsiannguatigut pisussaaffeqarpoq  
illumi qerisoortoqannginnissaa qulakkiissallugu.

Imaappat najugaqarfimmik pineqartumik piginnittoq tamanna  
pillugu nalunaarummik tigusaqarsimagaluarluni, tassa illup qeri-  
soornissamut isumannaarnissaa pillugu aamma piginnittup ta-  
manna isumaginngikkuniuk, taava piginnittoq kingusinnerusuk-  
kut qerisoornerup kingunerisaanik ajoqusersimasunut tunngatil-  
lugu Nukissiorfinnut taarsiiffigineqarnissamut piumasaqaateqar-  
sinnaangilaq.

**Pisussaaffinnik  
eqqortitsinnginneq**

5.6  
Piginnittoq pisussaaffigisaminik naammassinninngippat, tassa  
immikkoortuni 5.1-imit - 5.3-mut nassuiaassutigineqartunik,  
taava Nukissiorfiit piginnittup akiligaanik suliassaq sularitissin-  
naavaat imaluunniit imermik pilersuineq erngup illumut attavi-  
lernerqarfiatigut milissinnaallugu.

**Imermit  
innarlerneqartut**

5.7  
Nukissiorfiit akisussaaffiginngilaat illuni imermit innarliinerusin-  
naasut, tassunga ilanngullugit innarlikkat ventilinit isumannaalli-  
saataasunit imaluunniit qerisoornernit pissuteqartunit ajoqusi-  
nerit.

**Biilit kinnernik milluaa-  
sartut, anartarfilerissutit  
aamma tankillit allat**

5.8  
Biilit kinnernik milluaasartut, anartarfilerissutit aamma biilit allat  
storz-koblingit imaluunniit qatserutit ikkuffii aqutigalugit er-  
ngup aqutaanik toqqaannartumik imermik immiisartut, taakkua  
atortassavaat koblingi/qorlorfik Nukissiorfinnit innersuuneqarsi-  
masoq erngup uteriartoornissaanut isumannaajaarneqarsima-  
soq, Nukissiorfinnullu akuerisaasimasoq.

## 6. Akiliisarnermut uuttuutit

### Uuttuutit il.il. inissinneqarnerat

6.1

Akiligassanik isumannaarinninnissamut uuttuut inimi qerinanngitsumi inissinneqassaaq. Inissinneqarnera Nukissiorfinnit akurineqassaaq. Akiligassanik isumannaarinninnissamut uuttuut ikkussukkanit peerneqarsinnaassaaq. Akiligassanik isumannaarinninnissamut uuttuummi atuisimaneq ajornanngitsumik takuneqarsinnaassaaq.

Akiligassanik isumannaarinninnissamut atuinermut uuttuut ventilit matusissutaasartut marluk akornannut inissinneqassaaq.

### Ventilimut matusissutaasartumut piumasaqaat

6.2

Ventilit matusissutaasartut erngup aqquataattut ikkusimasutut uuttuutaat annertussuseqassapput. Ventilimut matusissutaasartut aalanissamik imaluunniit saviminernik arortoortitsinissamik kinguneqartitsissanngillat.

### Qorlorfimmut ventili aamma ventili uteriartoornaveersaat

6.3

Akiligassanik isumannaarinninnissamut uuttuutip kingornata tunngaanni aamma ventili matusissutaasartup siorngata tunngaanni qorlorfimmut ventili aamma ventili uteriartoornaveersaat ikkunneqassapput.

### Illumi ataatsimi uuttutit amerlassusii

6.4

Nalinginnaasumik ineqarfinnut ataasiakkaanut imermut nillertumut ataasiinnarmik akiligassanik isumannaarinninnissamut uuttuuteqassaaq, imaanngippat Nukissiorfinnit allamik isumaqatigiissuteqartoqarsimalluni.

### Ataasiakkaat akiligassinneqartarnerat

6.5

Illut arlalinnik ineqarfittallit ineqarfinni ataasiakkaani ataasiakkaarlutik akiligassanik isumannaarinninnissamut uuttumik pilersorneqassapput, imaappat piumasaqaatit tulliuuttut naammassinneqarsimallutik:

- Ineqarfinni ataasiakkaani imermik nillertumik atuineq tamakkerlugu akiligassanik isumannaarinninnissamut uuttuummik ataasiinnarmik uuttorneqarsinnaalluni
- Ineqarfiit ataasiakkaat namminneq immikkut imermut atavimmik pilersorneqarsimappata.

### Imermut kissartumut uuttuut

6.6

Imaassappat imermik kissartumik illumi atorneqartumik atuineq immikkut akilersinneqartassalluni tassa illuni, tassani imermik kissartumik illup iluani atorneqartumik kissartunngortitsisarneq qitiusumik ingerlanneqarluni, taava tamanna nukissiamik uuttuut atorlugu uuttorneqassaaq imeq atorneqartoq aammattaq imermut kissartumut illup iluani atorneqartumut nukissiap annertussusia, tak. ilanngussaq 2. Taamaattumik imermik kissartumut uuttuut atorneqassanngilaq.

Erngup aqquataanut ikkussukkanut makku tulliuuttut naammassinneqarnissaat piumasaqaataavoq:

- Imermut kissartumut atortut iluanni erngup ingerlaarne-  
ra kaaviiartuussaaq
- Erngup ingerlaarneranut kaaviiartumut nukissiamik uut-  
tuut ikkussimassaaq atortumi kaaviiartumi annaaneqar-  
tumik uuttuisussaaq. Annaaneqartoq taanna illumit pigin-  
nittumik akilerneqassaaq
- Aalajangersakkat allat ukunaniittut "Nukissiorfiit imermik tama-  
nik pilersuinerminnut nalinginnaasumik piumasaqaataat" aam-  
mattaaq "Nukissiorfiit ungasianit kiassaanermik tamanik pilersui-  
nerminnut nalinginnaasumik piumasaqaataat" malinneqassap-  
put.

**Imermik  
maangaannartitsineq**

6.7

Imermik maangaannartitsineq erngup illumut attavilerneqarfia-  
neersoq uuttuutip siornatigut pippat, taava imermik maangaan-  
nartitsineq illumik piginnittumit akilerneqarnissaa piumasaqaa-  
taasinnaavoq. Taamaattoqarpas atuneq Nukissiorfinnit missi-  
ngersorneqassaaq.

Piginnittup paasiguniuk akiligassanik isumannaarinninnissamut  
uuttuutip eqqaani erngartoqartoq imaluunniit ajoquteqartoqar-  
toq, taava pineqartup tamanna pillugu Nukissiorfiit piaartumik i-  
lisimatissavai. Illumik atuisut illumi ajoqutit paasineqartut pillu-  
git illumik piginnittoq piaartumik nalunaarfigissavaat.

**Innaallagiq**

6.8

Innaallagissap aqutaanut atuisutut ilanngunneqarnissaaq atui-  
sunngortumi nutaami uuttuutip ingerlanissaanut pisariaqarpat,  
taava illup atuisutut ilanngunneqarneranik taamatullu innaalla-  
gissamik pilersuinermik ikkussuinermik aammattaaq uuttuiner-  
mut atortup innaallagissamik atuineranik atuisoq akiliinissami-  
nut pisussaavoq.

## 7. Imermut tankimik ikkussuineq

### Imermut tankimik ikkussuinermit piumasaqaatit

#### 7.1

Imermut tankimik ikkussuinermit Nukissiorfiit innersuussineri mallugit suliarineqassapput aamma atortussat imermut imerneqartussamut akuerineqarsimasuussapput tak. ilanngussaqaq 1.

Imermut tanki ikkussorneqartoq atulingginnerini Nukissiorfinnit akuersissutigineqassaaq. Imermut tankimik ikkussuinermit piumasqaatit pingaarnerit tulluuttut makkuupput:

- Imermut tankit inimi qerinnangitsumi kuuffilimmi inissineqassapput.
- Imermut tankit nalinginnaasumik illumi inini quleriinni alerpaami taamaallaat inissinneqarnissaat akuerineqartapput.
- Imermut tankit minnerpaamik ullunut unnuallu 3-4-nut nalinginnaasumik atuinissamut naammattumik imaqarsinnaassapput.
- Imermut tankit 1000 literimit minnerusumik imaqarsinnaasut taamaallaat Nukissiorfinnit allakkatigit akuersissutigineqarunik ikkunneqarsinnaapput.
- Aappaluttumik qalipaatilimmik qullilerneqassaaq taanna tanki **ulikkaarangat** ikittassalluni, aamma qulleq qorsummik qalipaatilik taanna ikissaaq **tanki sulii imermik immerneqarsinnaappat** (tak. ilanngussaqaq 1). Qulleq imatut inissinneqarsimassaaq ukiup qanoq ilinera apeqqutaatinnagu immiisarfimmit ulloq unnuarlu tamatigit isigineqarsinnaassalluni.
- Utsersorfissaanik ikkussisoqassaaq taassuma uuttuutaa ima annertussuseqassaaq qanorluunniit pisoqartillugu erngup biilinit imertaassuarnit immiunneqartup annertussusia artussanagu, kiisalu imatut inissinneqassaaq kuuffia immiisarfimmit tamatigit isigineqarsinnaassalluni.

### Aserfallatsaaliuineq

#### 7.2

Atortumit aserfallatsaaliuineq piginnittup/atuisup pisussaaffigivaa, kiisalu maanngaanaq kuuttoqassagaluarpat tamanna Nukissiorfinnut akisussaaffigitinneqarsinnaanngilaq. Taamatuttaaq piginnittup akisussaaffigaa tankimik eqqiaanerup naammaginar tup qulakkeerneqarnissaa, tassani imermut tanki imaarneqassaaq immiunneqassappullu akuutissat il.il. tappiorannartunik toqoraasartut imermut imerneqartussamut atussallugit akuerisassut.

### Tikitsisinaanermut periarfissat

#### 7.3

Biiliniq tikitsisinaanaffiit, siaarsiffissat aamma imermut slangimik ikkussiffissat Kalaallit Nunaanni sullivinni atukkat pillugit Inatsit atuuttoq naapertorlugu isumannaallisaanikkut peqqissutsikkullu illersorneqarsinnaasumik pinsinnaassapput.

Biiliniq ingerlalluni tikitsivissat imaassapput imermik immiineq ajoquteqanngitsumik ingerlanneqarsinnaassalluni. Immiinissamut



ikkussiffissaq Nukissiorfiit innersuussutai qaqugukkulluunniit a-  
tuuttut naapertorlugit, taakkua Nukissiorfiit nittartagaanni  
[www.nukissiorfiit.gl](http://www.nukissiorfiit.gl)-imi takuneqarsinnaapput.


## **8. Maalaaruteqarnissamut periarfissat**

### **Maalaaruteqarnissamut periarfissat**


8.1

Atuisoq Nukissiorfiit pilersuinerannit imaluunniit akiligassanit il.il. naammagisimaarinninngikkuni, taava sapaatit akunnerisa sisamat ingerlanerini Naalackersuisoqarfimmut akisussaaffeqarfeqartumut maalaaruteqarsinnaavoq.

### Ilanngussaq 1. Imermut tankimik ikkussuinermi piumasaqaatit



**Ilanngussaq 2. Ilaqutariinnut arlaqartunut illuni immikkoortutut naatsorsuussaasuni aamma inissiani immikkut akiliuteqarfiusartuni ungasianit kiassaanermi aamma imermik atuinermi atuinerup uuttorneqartarneranut tunngaviusut**



- E1: Ungasianit kiassaanermut atuinermut uuttuut, MWh
- E2: Imermik kissartumik atuinermut uuttuut, MWh
- E3: Nukissiamik atuinermut uuttuut inissiami kiassaaneq, MWh
- E4: Nukissiamik atuinermut uuttuut imeq kissartuq inissiami, MWh aamma  $m^3$
- E5: Nukissiamik atuinermut uuttuut erngup kissartup kaaviiarneranut illumik piginnittoq, MWh
- V-1: Imermik atuinermut uuttuut,  $m^3$
- V.2: Imermik atuinermut uuttuut inissiami,  $m^3$